


Jekabaatra

Cikela ceman n'a musoman kunnafonisèben

a bë bë kalo o kalo

Jamana baarada la BP: 2043 Bamako (Mali)



Poroze "DCF" ye Afiriki musow jɔyɔrɔ lajεya jemufanga kɔnɔ

ne 3nan

Kalo Laadilikan

Nakɔsene baaraw wulituma juman ye nin waati ye sango ni musotonw y'u las am a fɛ. Fala labennenw bë dugu minnu garisegɛ la, olu bë se ka feerew tige walasa nakɔsene bë jiidi u bolo. U bë se ka kɔlonw sen minnu man dun kosebɛ.

Dawuda Mace Dawo
CMDT Baarakela don
Bamako.



"CAF'O" ye musow ka gaazikogelεya tɔɔrɔw dajira

ne 9nan

"World Vision" ye Bila komini ka netaa sira dayelen

ne 10-11nan

"Kalan bë mɔgɔ son hakili la, nka kunnafoni bë mɔgɔ bɔ kunpan na". Yɔrɔ Ulen Sidibe

An k'an jeniyɔrɔ fin

An y'o de fo aw ye ko Jekabaara ye aw cikɛlaw, baganmaralaw, monnikelaw, bololabaarakelaw ani aw kalanden jolenw de ka kunnafonisəben ye. Ce ni muso bɛe ka kan a la. O la sa, kumada dilen don aw bɛe ma, Maliden bɛe ko don walasa an ka je ka jamana baara ni hakili numanw ye minnu be ke sababu ye k'an ka dingesosigi ke daamu ye. Aw y'aw hakilina səben jamana taasira n'aw ka sigida lahalaw kan k'u ke batakiw ye k'u lase anw ma Jekabaara la an k'u jensen jamanaden bɛe k'a ka tɔmɔta tɔmɔ u la. Waribo te a la. Cikela caman y'an ka kɔrofɔ faamu o de y'a to an b'u ka batakiw sɔrɔ k'u kɔnɔkow jensen jamana fan bɛe. O sira kan sa, an ye bataki nafama dɔ sɔrɔ ka bɔ an balima cikela dɔ yɔrɔ n'o ye Buguzanga Tarawere ye n'ale sigiyɔrɔ bennna Zanekebugu Kinan cikɛkafo kɔnɔ. Tarawereke ko Mali cikɛlaw bɛe k'u jeniyɔrɔ fin.


Nin ye nɔgɔnfaamu ni hakilijagabo sira 3 ye ne Buguzanga be min da an balima cikela bɛe kɔrɔ. Hakilijagabo in bɛe boli Mali senekeyɔrɔw lahalala kan kerɛnkerennenya la fɛn min ye Mali kɔɔriseneyɔrɔw ye.

A fɔlɔ, Ala mana ko min latige, hadamaden si seko te o la. Ne be nin fɔ k'a da cikesan temenen kɔɔrisenebaliya kan. Degun minnu bɔra o kɔnɔ, a fɔlɔ ye an cikɛlaw de ta ye k'a da fɛn caman kan. Ne ye fɛn min kɔni kɔlozi a ko la, o ye ko cikɛlaw jɛnɔgɔn te politikimɔgɔw ye de. Gεleya kera cogo o cogo, an cikɛlaw, an kana sɔn abada ka maa wɛrew don an n'an baa-rakejɔgɔn si ce. A kera CMDT ye o, a kera OHVN ni Ofisinizeri ni Ofisiri ni cikɛlaw demeni baarada sugu sugu ye o, maa wɛre kana don an ni nɔgɔn ce sango politikimɔgɔw. Ni politiki ni cike kɔni donna nɔgɔn na dɔrɔn, a be fijɛ belebele bila sene na wa an cikela bɛe dé ka nimisa be bɔ o la.

Ne be hakilina filanan min dajira, o ye ko mɔgo dakɔnɔji ni nɛn be kɛlɛ don o don. O te u bali ka bɛn ka ke nɔgɔn sigiñɔgɔn ye. U ka nafaw dulonnen don nɔgɔn na

cogo min, u be balo nɔgɔn fe o cogo kelen na. Aw ma a ye, nin te a sijɛ fɔlɔ ye CMDT ni cikɛlaw cɛla ka gεleya. Waatiw temena buremunɔgɔko min nɛfɔra an karamɔgɔ Yusuf Jalo fe Jekabaara ka bɔko 178nan kɔnɔ, o ye tijɛ laki-ka yé. Nka a bɛe labanna sigikafɔ ni nɔgɔnfaamu ma. Balikukalanko fana file, an y'an ban a tuma na ka ko nɔgɔya an demebaga baaradaw bolo. Bi dun ? A cogo be di de ? Nin n'a nɔgɔnna caman don. Nka a bɛe labanna an cikɛlaw demebagaw ta la bawo sene jiidili fɛerew de bɛe u bolo k'u lase an ma. Dogonjɔnna te a la fɛs.

Hakilijagabo sira sabanan, o ye bilasiralikan ye ne Buguzanga be min lase an yɛredamaw ma. Ni an n'an demebagaw ce gεleyara cogo o cogo, an kana an b'an abada k'an ka forow sene. Njanan, kɔri ma sene jamana fan bɛe i n'a fɔ a be sene cogo min na kakɔrɔ. Yɔrɔ damadama dɔrɔnw de ye kɔri sene. O yɔrɔ cikɛlaw y'u ka sene ke wa o ma u bali u k'u ka lajiniw nɔfegɛn. Ne bolo, o de ye sira numan ye an ka kan ka min ke an taamajɔgɔn ye an ka cike baaraw la. An kana sɔn abada maa wɛre



An jeniyɔrɔ fin. kɔɔrisenɛ na k'an sama an nujuru ma. Jamana sɔrɔ dɛnnen don sene ni baganmara la. An k'an gεleya k'an jeniyɔrɔ fin jamana sɔrɔ n'a ka nɛtaa la.

An kana ke gεleyaw kundonbagaw ye an yɛre nɛ.

Ala k'an bɛn kelen ma. Ala ka sanji caman na san nataw la walasa an ka mɔnɔ bɔ an yɛre la ka tila ka jamana sɔrɔ jiidi. Aw k'an bɛn.

Buguzanga Tarawere
ka bɔ Zanebugu,
Kuruma ZAER la
Kinan cikɛkafo kɔnɔ.

Poroze "DCF" ye Afiriki musow jɔyɔrɔ lajεya jemufanga kɔnɔ

Jemufanga sinsinni Afiriki jamanaw kɔnɔ, sango faransikan bɛ fɔ minnu na, o ye Kanada Goferenaman ham-nankoba ye. Walasa k'o jemufanga kɔkɔrɔdon, Kanadakaw ye feere dɔw dabali k'u nesin jamana ninnu jama-kuluw ma a sabatili la sigidaw kɔnɔ. O feere dɔ ye Poroze "DCF" ye. O kerenerenna Afirki jamana kofolen ninnu musolakaw ye u ka fasodenya ni josariyaw tiimeni konuman sira fe..

Poroze "DCF" sigira senkan san 1998 Afiriki jamanaw kɔnɔ faransikan bɛ fɔ minnu na. A kuntaala ye san 5-ye (a bɛ foori san 2003 məkalo la)). Bolofara naani bɛ Poroze "DCF" la. Olu kelen kelen dagayɔrɔ ye Mali ni Kɔnɔwari ni Burukina ni Lajine.ye.

Poroze "DCF" ka nafoloko bɔbaga ye "ACDI" ye. O ye Kanadakaw ka baarada ye min nesinnen don yiriwa ma dije kɔnɔ.

Poroze bolofara naani ninnu bɛs bɛ nɔgon lasɔrɔ bolofaraba kelen na min dagalen don Bamako. Ale bɛ dème don bolofara naani ninnu ma ani k'u ka baaraw tiimeni sabati Poroze hukumu kɔnɔ.

Poroze "DCF" ka feere tigetaw nesinnen don dème donni ye wale ketaw, baaradaw ni jamana ka feerew ma minnu b'a nini :

- Ka musow ka josariyaw lakan, k'u sankɔrɔta gaw kɔnɔ,
- Ka dankari nangatanw na minnu bɛ ta ka musow segerɛ gaw kɔnɔ,
- Ka müsow ka fasodenya sankɔrɔta ani k'u jɔyɔrɔko sabati jemufanga kɔnɔ.

Poroze "DCF" ka feere tigetaw bɛ nesin ;

- Yeləmabolo tali ma sigida politikiko ni sariya sira fe,
- Yeləmabolo bɛ sinsin bolofara misenw senkɔrɔdonni ni jekafɔ jiidi-



Poroze "DCF" ye Musow kalan josariyaw la

li kan baaranɔgɔnw fe. Olu bɛ ke sababu ye ka lajiniw sabati.

Maraw kɔnɔ, bolofara misenw bɛ sigi jamana naani ninnu kɔnɔ (Mali, Kɔnɔwari, Burukina, Lajine)). Feerew bɛ tige Poroze fe a sigiyɔrɔ la ka labenw ni jekuluw ni baarada misenw sinsin walasa k'a ka lajiniw sabati.

Nin baaranɔgɔn ninnu bɛ je ka ke kulu ye. O kulu kɔnɔmɔgɔ dɔw file :

- Baaraw waleyabagaw (jamakulutɔnw)
- Baaraw laadilibagaw. Olu ye minisirisow ye minnu ka baaraw bɛ tali ke Poroze ka lajiniw sabatili la ani baarada minnu b'a dème ni hakilina numanw ye

Dakun damadɔw talen don Poroze "DCF" fe a ka lajiniw tiimeni na :

-ka baaranɔgɔnw dème kalan ni hakilinafalen ni baaraw kiimeni sira

kan,

- ka feere ni nafoloko dème lase kuluba ka dabali tigelenw waleyali ma, baaranɔgɔnw ka feere bolodalenw hukumu kɔnɔ,

- k'o feere n'o nafoloko dème kelen lase bolofara misenw ka feere bolodalen labenni n'a waleyali konuman ma maraw kɔnɔ,

- ka baaraw nənaboli konuman basigi .

Poroze "DCF" ka baaraw waleyali tiimbaga ye "CECI" ye. Ale ye Kanadakaw ka baarada ye min sigilen don a ni dije jamanaw cesira sinsiñi ma. Poroze "DCF" ka bolofara 4 ninnu kelen kelenna bɛs jolen don ni baaraw tiime konuman ye Mali ni Kɔnɔwari ni Burukina ni Lajine kɔnɔ.

An ye nin kunnafoniw latɔmɔ Poroze "DCF" baarada ka yəremankutuseben na Latɔmɔbaga ni bayeləmabaga Yusufu Jalo

Sidabana ma ni

Numan te bana na. Nka banaw be nōgōn ne hadamaden danbe lagosicogo la. Sidabana b'o banajugu sere la. Jatew y'a jira ko dijē sida-banato maa hake tun ye maa 36000 ye. Hali ni pinan jatew ma foori folo, a dōnna k'a fo ko sidabana ye maa miliyon 3 de faa dijē kono. N'i y'o sarada kēmē ye, i b'a soro 72 bora Afiriki kono. O b'a jira k'a fo ko sida ye bōne caman jigin Afiriki jamana bēs kan. O ye jorēnankoba ye. Hali an yere fe yan, sida dagalen don an ka maraw kono haali. Sikaso ni Kucala be banajugu in nēkun mineni na Mali kono. Walasa ka maaw hakili lajigin

Jekabaara
y'aw ciklaw de ta ye.
A'yaw ka kunnafoniw ke
batakiw ye k'u lase
Jekabaara ma
an k'u jensen.
Waribo t'a la.
Jekabaara Lasorosira file :
JAMANA Baarada
Hamudalayi Bamako,
Négejurusira : 29 62 89
Batakisira : 2043

sidabana kan, "ONU" ye nowanburukalo tile 30 ke sida kēlēli donba ye dijē kono.

Sida nōfekasara ka ca. Nka a min be denmisēn kan, o de bōne ka jugu. Aw k'a mafile : Sidabana ye dijē denmisēn maa miliyon 115 hake de ke falatow ye.

Sidabana ma ni. Bēs b'o dōn. Sidabana lasorosira be se ka ke jolita walima cēnimusoja siraw fe. Nin si te ko kura ye Jekabaara kalanbagaw bolo. Fen min ye ko kura ye, o de ye ko maa kelen sidato be se ka sigada maa bēs son sida banakise la kasoro ale yere ka bana mada kēnē kan folo. Fen min ka fis, o ye k'an kana son k'an yere ci maa tēge an te min dōn diyaneko walima nafoloko sira fe. Fen min ye kundi-lamu korow ni minen wērew ye minnu be se ka joli bo mogōla, an k'u kura bo u foroko kono. An kana maa wēre taw ta k'an mago ne n'olu ye. An kana son maa wēre yere k'a mago ne an ta kōrolenwa. O y'an kisi sira do ye ka bo bana cējugu in ma. An n'an denw bēs. Fura te sida labi. Fura min sōrolen don bi, o musaka tabaga te bēs ye de.

Tuya Sidi

Jekabaara kalanbagaw ka foli kēnē

Jekabaara kalanbagaw fen o fen ye bataki ci anw ma, u bēs sōrola.w ka kēnē. Moribabugukaw aw ka bataki yera wa an y'a kōnokow faamu. N'Ala sonna, an bēna an cesiri yaasa aw ka wasa be sōro aw ka kunnafoniseben nafama kono. An ka foli be se jamana cikela bēs ma. O foli kelen be lase Moribabugukaw ma : Abudulayi Jara, Yuba Jara, Sunkalo Jara ani Siyaka Sidibe. Ninnu bēs ye Jekabaara kalanbagaw ye minnu y'u ka hakili numanw lase an ma. Jekabaara laben konuman na. An b'aw fana ka batakiw makono k'a bo Jekabaara la. Waribo te a la.

POLITIKIKO TAABOLO

N'Ala sɔnna, bɛrɛ tɛ an ni san 2002 ce bilen. San 2002 ye jamanakuntigi Alifa Umar Konaré ka fangatigiya dan ye. An bɛna an bolo bɔ maa kura wɛre de nɔfɛ i n'a fo jamana sariya baju y'a dansigi cogo min na jamanakuntigiya kadara kono. Sebenba in ko maa tɛ sugandi ka tɛmɛ siŋe fila kan Mali kono. O tuma ko b'an ne dɛ. Labenw be senna.

O tɛmɛnen kɔ, kɔsan in na jamana méri 701 bɛe ye nɔgɔn sɔrɔ tilesababaara la Bamako. Baaraw nɛsinna kominiw labaaracogo feerew n'u taabolo sariyaw kan, k'u waleya siraw dɔn a nɛma. "Kurun kɔnɔmɔgɔ bɛ sago ye kelen ye : ba tigɛko numan". A ka kan politikitɔn w fana ka wulikajɔ daminɛ kabini sisani walasa san 2002 kalafiliw bɛ ke jɛlenya la jɛmufanga hukumu kono. A ka kan M'liden kelen kelen k'a joɔrɔ n k'a daminɛ bi la fo ka se san 2002


kalafiliw ma. N'o kera, setigi Usumani Si ka lajini bɛ ke legɛsɛ ye : "Ni san 1997 kalafiliw kera kɛko jugu la, san 2002 taw ka ke kɛko numan na". Nka hun dɛ ! Politikitɔn w k'a dɔn ko "ni fulake ye waati min ke sunɔgɔ la, n'a wulila, a b'o waati nɔgɔna de ke misiw jinini na". O yɛremaksi tɛ ban dɛ bawo i yɛre jojugu de y'i lase o yɔrɔ la.

Politikiko la, an bɛ min kɔlɔsi, o de ye ko kalafili tijenɛn fɔli de ka telin politikitɔn w fe. U si tɛ tijenɛn kun nɛjini. Sentanya kan min bɛ ye u da sanga ni waati, o ye ko "An tɛ fanga kura sigilen lakodɔn! Tuu! Mɔrɔ! Mɔgɔ ma ye fen min jinini kɛne kan, i bɛ y'o labaariali kɛne kan cogo di ?

Politikitɔn w k'a dɔn ko Malidenw wuulila ka bɔ sunɔgɔ la sa dɛrɛ ! U jan bɛ fen bɛe la bawo fanga bɛ jinii n'olu de tɔgɔ ye. O tuma u ne wɛrɛlen don wa u tulomadalen fana don.

Tuya Sidi

Takana



JAMANA Baarada Ka Gafe Kuraw

Bora.

Gafe ninnu dɔ file :

* Sensabana bɛ n den na.....

Ne ka kan ka ka mun ke ?

* An ka yele dɔɔnin

* Takana

Aw ye wuli ka se Bamako

Jamana Baarda ka Gafefereyɔrɔ

la min file "BDM.sa" dafɛ.

Modibo Keyita Tɔgɔla Siraba dala

Sɔŋɔ damatɛmɛdiya don .

U ko

Aa ! Abudulayi Bari, i filɛ ka ke "DNFLA" nɛmaaba ye bi sa. A ke cogo bɛe la, sanni sɔɔni ce, an k'an ka magosɛbɛn w ye an barakanw na !

Alifa Umaru Konaré
Jamana Baarada Nɛmaaba
(san 1991 zuwɛnkalo)

Tijenɛ na, fosi tɛ sidako la min tɛ masiba ye hadamaden ni hadamadenya ma. Fen min ne maa denbantanya ka laban k'i faga, mun na an bɛ o ko minɛ tulon na ?

Dogɔtɔrɔ Tarawele
Sida kɛletɔn baarada

Ni maa min ko ne bɛ fen bɛe dɔn, o be fen fila dɔrɔn de jira : a tigi nalonna don walima a tigi b'a sanga Ala de ma. O si dun tɛ jogo numan ye.

Mamadu Dunbuya
Silamɛdiine Wajulikela don
Bamako

Mɔgɔ si danbentan tɛ. Aw m'a ye, hali fato bɛ waso n'a ka fatɔya bere ye. Ni maa bɛ kɛne min kan, i bɛ ye o tilemayɔrɔ n'a dulenmayɔrɔ de la.

Bari Magasa
Ka bɔ Senu Bamako

Geleya tɛ yen kumakan tɛ fura sɔrɔ min na ; nɛn tɛ yen kumakan tɛ min lamacogo yelema ; kumakan fana tɛ yen nɛn yelemacogo numan tɛ min fɔcogo ne.

Andani Abudulayi
Arajo "Kledu" Bamako

"Bee k'i ka keta ke njogonfaamu ni ben konc"

"Ben ni njogonfaamu de y'a to Kucala cikemara ye nesoro koorisene na"

Cikesan temenen geleyaw kera sababu ye koorisene ma ke cikemara caman konc. Geleya ninnu tun be lanini 11 tiimeni nufe koorisenenaw ye. Fen min ye CMDT ka cikemaraw ye, koori ma senemara 3 konc : Buguni, Fana ani Sikaso. Nka a senena mara to saba konc n'olu ye Kita, Kucala ani San. Nin mara saba labanw na, Kucala cikemara kera taare ye bawo ninan, Mali ka koori mumu sorota la, Kucala ka sara y'o la 42 ye kemere o kemere. O wale jenini na, Jekabaara wulila ka taa Kucala CMDT nemaaba kumanjogonya. Mamadu Yusufu SISE n'ale de ye Kucala CMDT nemaaba ye, ale y'an ka nininkaliw jaabi.

- An karamago SISE, koorisene be lahala jumenw na i ka cikemara konc cikesan laban in Ma?

Mamadu Yusufu SISE : Anw koni be Ala tanto. Koorisene ye geleyaba sorro cikesan temenen na. O geleyaw ma dogo maa si la. Nka, anw fe Kucala cikemara konc, cikelaw y'a jira cikesan damine na k'olu be senem ke wa u be koori senem. O cike tena u bali u k'u ka laniniw nufegen u baaranjogon CMDT baarada la. Nin ben ni njogonfaamu de y'a to Kucala cikemara ye nesoro koorisene na. An ye naniya min siri cikesan temenen damine na, o waleyara a nema. N'i y'a baara sigi kemere ye, an ka waleta kera ala 93 ye. O be maa nisondiya haali. O sewa konc, an hakili dalen don koori toni baa 98 soroli kan. N'i ye nin ta k'a sigi Mali koori sorota mumu na, i b'a ye k(a fo ko Kucala cikemara koori joda y'o la 42 ye kemere sarada la. Maa te jon o la.

Koorisene be lahala min na nin cikesan 2000/2001 laban na Kucala cikemara konc, o de ye nin ye.

- Yali maa be se k'a fo ko ni ja tun te k'a sabu ke sanjikogeleya ye, ko Kucala cikemara tun ka koori bota hake tun be teme lanini bolodalenuw konc?

Mamadu Yusufu SISE : Ne be na Kucala waati min na n'o benna zuluyekalo tile 20 ma, kooriforo d'ow tun yeli be maa

hakili sigi haali. Kooriforo ka kan ka baara cogo min na koorisene na, o bee tun dafara foro ninnu na. Nogoncogo tun ka ni, danniw tun kelen don ka ne. N'i tun ye ne nininka a waati, ne tun be se k'a fo ko toni 2 walima toni 1 ani kilo 800 sorro taari a foro kelen kelen na. Nka, k'a ta utikalo tile 28 na fo setanburukalo tile 30 la, janana sigi Kucala cikemara konc, sanji ma na. Ji min nana, o junjunna a nufe wa a ma ke ni wasa ye. Sandenw ma bonya yoro d'ow la yere. O geleya de y'an ka koori sorota hake lasegin kofe bawo ne ye n yere nininka ko yali an bena se ka kilo 800 bo taari la a forow konc wa ?

- Sumanw seneni be dakun jumen na i ka cikemara konc? **Mamadu Yusufu SISE :** An y'an se ke sumanw seneni na. An ko koirimansa, o de ye nomanisa ye. An fe yan, ga oga n'o ye koorisene faamu, sumankogeleya to ga masina kan. Sumanw senena Kucala cikemara konc ninan. O bee n'ata, n'i ye manjo mafile, geleyaba sorola o la. Salon, an ye toni baa 81 sorro. Nka ninan, jatemew y'a jira k'an te teme toni baa 42 hake kan. O b'a jira tun k'an ka sorro tilala fila ye. Fen min ye manjo ye, ni ja tijenino ma bonya, an hakili be toni baa 8 feereli kan an ka cikemara konc. Nka an b'o fo ni filan filan ye k'a da geleya kofolenw kan. Sumanaw yere sorro cogoya file

: sanj toni baa 95 sorola salon. Ninan ta tena teme baa 60 kan. Binbiri fana b'o cogo la. Salon, an ye toni baa 128 de sorro. Ninan an hakili be toni baa 94 de kan. Fen min ye malo ye, o toni baa 10 ani toni 60 de sorola salon. Ninan ta ye toni baa 9 ani toni 38 ye. Nka, geleya n'a ta o ta, an ka suman sorota hake ni "FAO" ka baloko sabatili siraw be njogon ta. Senekelaw be se k'u ka balotaw bo u la wa dooni yere be to kofe:

Kucala cikemara konc, an bena sumanw sorro fo ka ne nka a feereli tena ke i ko san tow ta.

- Senem soroda were jumenw be toni Kucala cikemara konc? **Mamadu Yusufu SISE :** Fen

caman be senem an fe yan cikela b'a ka sorro dagun ni min ye san konc. Ben'e y'o do ye ka fara sunbalajirinin kan. Fen min ye ben'e ye, o sanbaga ka ca. CMDT b'o la ka fara malidenw ni burukinaka d'ow kan. CMDT kelen don ka feerew don cikelaw koro yaasa u be nafa belebele sorro u la cogo min na. O sira kan, musow kalanna sunbalajirinin baaracogo n'a bayelemacogo numan na. Wa o kera sababu ye ka nere nonabila soroko la musolakaw bolo.

Yoroso mara la, toronto fana be senem yen kosebe. Feerew tigelen don k'o sannifeere laben konuman a senekelaw bolo.

Fini fana be senem a ne bi naani

ma Kucala cikemara kono. Ninnu de ye cikelaw ka soro dagunni baaraw ye an fe yan Kucala cikemara kono.

Jiko tɔpɔtɔli kuntaalajan ye sigida kelen kelen hami ye. Kucala cikemara y'a sabatili baaraw waleva cogodii?

Mamadu Yusufu SISE : Jiko tɔpɔtɔli kuntaalajan baarabolo-fara tun sigilen don Kucala yanni a ka yelema Bamako. A nonabila sigira an fe yan. N'i ye Kucala cikemara mafile, i b'a soro bololaponpe ni tilejaponpe caman be sigidaw la. O kera sababu ye ka ji sanuman ka ladon Kucala cikemara sigida kelen kelen bee la. Ji be feere dugu jitɔnw fe walasa ka orobinekunw ni pɔnpew minenw tijenri musakako nesigi. Jitɔnw de b'o baara bee ke. Numuw labenna yaasa ka minen tijenrenw ladilan duguw kono. Nin bee lajelen mana mafile ka ne, i b'a ye k'a fo ko jiko tɔpɔtɔli kuntaalanjan ye nesoro Kucala cikemara kono. Nin bee be cikela ka kenyea sabatili de nofe.

Kucala cikemara ka san nataw baaraw be nesin jumenw ma togoda yiriwali kadara kono?

Mamadu Yusufu SISE : Yanni an ka kuma o kan, an ka lanini ye ka danaya sabati an ni cikelaw ce. O sira kan, an y'u ka lanini 11 bee tiime u ye. O be ke sababu ye ka danaya lakuraya an ni nɔgon ce. Bee b'a dɔn k'a fo ko geleya temenew kera sabu ye ka danaya ni bonya minen dafiri CMDT n'a baaranɔgon cikelaw ce. Lanini 11 ninnu tiimeni sira fe sa, cikela minnu ye nɔgo don u ka forow la salon ni sanji tilala k'a forow latiñe, goferenanman y'an yamaruya an ka o forotigiw ka nafolo bɔlenw lasegin u ma. O foro tijenren taari 8181 de jate bora Kucala cikemara kono. Musaka min donna o dafe n'o mumu bennu sefawari miliyon 487 ma, o

laseginna Kucala cikemara senekelaw ma sanji ye minnu ka foro lanɔgo. O kɔfɛ, yɔrɔ dɔw be yen, olu ka juru talen hake bonya kojugu y'a to u ka koɔriwari ma se ka tila. Dugu 20 b'o degun kono. Kucala cikemara la. An ye sefawari miliyon 14 dɔmɛ lase olu ma walasa u ka se k'u ka nafolo dafa ani k'a tila u ni nɔgon ce. Koɔrisenena minnu coronna k'asabu ke dantemejuruko ye, an y'a jen nini BNDA fe a k'olu ka juru sarali lajanya. Ben kera o kan. O la sa, juru fən o fən ye san 3 juru ye, o kera san 4 juru ye wa a sarali be damine cikesan 2001/2002 sannifeere waati. Koɔrisenena minnu fana y'u ka baarakeminew feere juruko sababu la, an y'a laje baarakeminen ka di u ma. A te di u ma fu la nka, a be di u ma nɔgɔya la yaasa u k'u ka senɛ ke.

O bee temenek kɔ, sanji ye koɔri koloma bɔlen fən o fən gosi silo kono k'a ne tijen, o koɔri koloma bee be san koɔri numan kilo sanda la. Sefawari dɔrɔme baa 100 de dira Jɔnina AV ma bawo ale kelen de tun b'o degun kono an fe yan Kucala.

O kɔ, koɔri koloma bɔlen fən o fən gosira sanji fe, a bee be ta koɔri numan kilo sanda la. A fora ka laje a wari ka sara u ye. An fe yan, a be ben sefawari miliyon 35 de ma.

A naniyara senekelaw sen ka don koɔrifile la. O sira kan, an bennu a mafile ka koɔrifilejekulu lanenamaya ka ne. Senekelaw ka maa sugandilenw sigi yɔrɔ kerɛnkerɛnenen na, koɔri fileli lahala be di a ma walasa u ni maaw be se ka baara ke nɔgon bolo. Koɔri bennu sara koɔri wolomanijekulu ka baarano de kan dugu kono. O koɔri wolomanijekulu bennu lanenamaya duguw kono. O be min nofe, o ye ko koɔri wari be sarali te teme kujɔgon kelen kan bilen. O la sa, a ka ni koɔri woloma-

nijekulu maaw k'u ka baara ke jelenya ni tilennenya la. O be baaraw nɔgɔya bee bolo. Nin baara ninnu wajibiyalen don an kan bawo koɔriko ye nɔgɔndan de ye dinɛ feereyɔrɔbaw la. Koɔri be file a ne de fe o yɔrɔw la. Fo bee k'o dɔn.

- An karamogɔ SISE, mun b'i bolo ka kɔrɔ in kure?

Mamadu Yusufu SISE : N'i ye baara kecogo mafile cikesan temenek na, Mali ye bin min soro o koɔrisenebaliya sababu la, o nafolo kasabi be ben sefawari miliyari 40 hake la. Jamanaden bee ye do soro o degun n'o geleya la. O b'a jira ko geleya in te CMDT kelen kunko ye.

N be weelekan fɔlɔ min bila, o be nesin Mali goferenaman ma. A k'a cesiri k'a ka lahidu talenw tiime. CMDT fana k'a ka lahidu talen bee tiime. Koɔrisenew fana k'u ka lahidu talenw tiime. Bee k'i ka keta ke nɔgonfaamu ni ben kono. Fijen kana ye maa si la. N'o kera an b'o nafa ye.

Weelekan filanan, o be nesin CMDT baarakelaw ma kerɛnkerɛnenya la Kucala CMDT baarakelaw. U k'a dɔn k'a fo ko Maliden bee jigi dalen don Kucala de kan bawo Mali koɔri koloma sɔrɔta tilance de bennu bo Kucala cikemara kono ninan. O ye kunnawoloba ye an man kan k'an bo min koro. O tuma an k'an cesiri walasa ka jamanadenw jigi mafa. N'o kera, an hakili be fən min na n'o ye senɛ yiriwali ye Kucala kono, o be sabati an bolo. N'Ala ye sanji nacogo k'an sago ye san nataw la, Kucala cikemara be se ka koɔri koloma tɔni 140 bo forow la. Siga t'o la. Nka o te ne fo an bee k'an bolo di nɔgon ma : Fanga, CMDT, Koɔrisenew ani jamanaden te bee lajelen. Ala ka san nataw diya. Aw ni ce.

Kɔrɔfɔ tabaga : Yusuf Jalo

DONNIYASEBEN KUNFOLO

SIKOLO BAARACOGO JIIDILI KAN

Few be situlu la minnu be ke sababu ye k'a ka mankutu numanw bee dafa a la. O te ne kolo yere kogoli n'a baaracogo jidili k'o.

KOLO BAARACOGO

Kolo baaracogo be teme sira saba (3) fe :

1- A nebila baaraw (koloto, a maracogo, ani a fara bocogo),

2- Kolo balabalali. O b'a to kolo tulu bota be caya wa a ji n'a baga be sama ka bo a la ani k'a kumuni n'a falenni bali.

3- Kolo lasagoncogo n'a lamara-cogo.

Baara k'ecogo:

A ka ni kolo ka tomoe a jiri jupe (a e kari). O b'a to sikolo be kogo a la. Tulu min be soro a la o sira fe, o ye tulu nafama ye.

Kolo tomonen be yerek'e jiri do ji te walasa u fara ka toli. Tile 5 mana teme, i b'u fara bo ni bolo ye.

Kolo tomonen man kan ka bila ka toli ka mesen. N'a temena kungon kelen kan, kolokise be se ka falenni damine.

Kolo fara be bo a kan ni ji ye. Kolo be sanango konuman k'a fara bo a kan, ka tila k'u woloma k'u numan ni kolonw bo n'gona na.

Balabalali :

I be kolo numanw ta k'u balabala daga kono fo ka waati kelen hake dafa. Balabalali be to senna fo ka kolo genji tunu a kono. I be kolokise kelen feren

k'a laje. Ni genji jeman t'a kono, o b'a jira k'a fo k'a mona.

Jali :

I be soro ka kolo balabalen ninnu bo daga kono k'u ji soro ka tila k'u jeri tile koro. Nka u ka kan ka yerek'e tintinmayoro ji te sigi min kan wa n'a funteniko fana ka bon.

Kolo ninnu man kan ka to sanji koro. U be ce ka bo sanji koro walasa kolokise kana pun.

Ni kolo jara tile la ka ne, i be kolokise mankan men a kono.

KOLO LASAGONCOGO N'A LAMARACOGO

A farama :

O lamaracogo ka ni kosebe bawo kolokise be tanga fenjenamaw ka tijeni ma. O lasagoncogo fana te ne ni kene ferelen te walima i be jigine kerenerennen laben a kama.

A kisema :

I be fara walon ka bo kise dala. N'o kisew bora a tangaminen kono n'o y'a fara ye, u ka kan ka ke dafu bora la. Nka, i b'u ni bugurinje nagami n'gona na fio kasoro k'u ke o bora kono. O b'a to fenjenamaw te don a la.

Kolosili :

Tulu numanya be soro kolokise labaaracogo numan n'a lamara-cogo numan de fe.

N'i ko tulu, fo kolokise numan. N'i ko kolokise numan, fo a baaracogo numan n'a lasagoncogo numan.

Nin ye AMPJ nemaa Konela Mariyamu Tarawere ka sisunko donniyasaben folo ye.

Kunnafoniw ni cikanw

Fanga ni CMDT ni Kooriseneaw ka Benkanseben tijeni konuman siratige la, Mali goferenaman ye sefawari drome fila (2) nisondiyalan fara koori koloma kilo sanda kan. O sira fe, koori koloma sanda walanwalancogo file :

- Koori numan (1er choix) kilo be san sefawari drome 34 na,

- Koori wolomabali (2ème choix) kilo be san sefawari drome 30,

- Koori juguman (3ème choix) kilo be san sefawari drome 27 la,

Nin nisondiyalan bsara cikesan 2000/2001 koori sannifeere waati.

**Nin kunnafoni bora
Mali togoda
Yiriwali
Minisirisoba la**

"CAFO" ye musow ka gaazikogeléya tööröw dajira

A be waati bɔ, degun dɔ be jamana gadonmusow kan sango gadonmuso minnu be nanzarabaara la dugubaw kɔnɔ. O degun tun be tali ke gaazikogeléya kan min tun dalen don musow kan bawo gaazi kera olu dəməbaga belebele ye u ka gasow kɔnɔ tobili siratige la. O geléya keleli sira kan sa, "CAFO" y'a kannabɔ bataki la Mali jamana minisiri ma min ka baarada nesinnen don barikako ni damanko ni jiko ma. An be na o kɔnɔko kumabaw lase aw ma.

"CAFO" ye Mali musow ka netaatɔnw ka jekuluba dɔ ye min hami ye lafiyadaw ninini ye Mali musow ye u ka nənamaya kɔnɔ. O sira kan, a wulila k'i jo gaazikogeléya waati in na. "CAFO" y'a fela dajira bataki la min bolonobilabaga kera "CAFO" nəmaa Tarawerela Umu Ture ye. O seben min lasera minisiriso kofɔlen in ma, o tun b'a nini wulikajo ka ke teliya la ka geléya in furake. Seben in kɔnɔko kumabaw bolila hakilinadajira fila dè kan.

A fɔlɔ, o kera lamini lakanani kan. Fen min y'o siraw ye, bɛe b'a dɔn k'a fɔ k'olu labora ka ne jamana kɔnɔ. Musow ka gaazilatobili ye dɔ fara o lamini lakanani baaraw kan. O misali ye kungokɔnɔjiriw tigeli nəgoyali ye sigidaw la. O ye sababu numan ye jamana ka togoda sɔrɔko la bawo dɔgɔtige be min da jamana ka netaa kan, o te dɔɔni ye. O kɔfɔ, an balimamuso Tarawerela Umu Ture ye minisiri hakili lajigin diŋe sebenbaw la. Mali y'a bolon bila minnu na lamini lakanani hukumu kɔnɔ.

Dajirali filanan bolila musow ka gaazikogeléya degunw kan. O degunw de be ke sababu ye ka denbaya nənabɔli koñuman sira talenw yoboyaba bawo du musaka botaw n'a baaraw be caya. N'o dun kera finge be bila du cogoyaw la. O cogo la, musow təna se k'u jeniyɔrɔ fin jamana sɔrɔ jiidili la.

Nin bɛe lajelen de kama, "CAFO" tɔndenw ye weelekan bila minisiri ma walasa fura jɔnjɔnw ka nini teliya la nin gaazikogeléya la.

"CAFO" y'a jira minisiri la k'a dalen b'a la ko goferenan man ni jamana kunnasigiw bəna u fanga fara Mali musow ka netaatɔnw ka jekuluba ta kan ka geléya in furake. "CAFO" tɔgɔla, an balimamuso Tarawerela Umu Ture y'a ka foli kərenkerennen lase minisiri kofɔlen ma.

"CAFO" ye baarada caman seereya bataki in kɔnɔkow kan i n'a fɔ

- jamana minisirinəmaa ka baarada,
- jamana wasabulonba,
- minisiriso min nesinnen don Muso ni Den ni Denbaya

sabatili ma,

- minisiriso min nesinnen don jamana Labenni ni Lamini Lakanani ma,

- minisiriso min nesinnen don Maakɔrɔw . ni Dəməñɔgɔnya . nii Hadamadenya sabatili ma,

- minisiriso min nesinnen don jamana Sɔrɔko ma.

An ye nin kunnafoniw latɔmɔ "CAFO" ka bataki la an balimamuso Tarawerela Umu Ture y'a bolon bila min na.

Jekabaara
y'aw cikelaw de ta ye.
A' y'aw ka kunnafoniw ke
batakiw ye k'u lase

Jekabaara ma
an k'u jenseñ.

Waribɔ t'a la.

Jekabaara Lasɔrosira file :
JAMANA Baarada
Hamudalayi Bamako,
Negejurusira : 29 62 89
Batakisira : 2043

"World Vision" ye Bila komini ka netaa sira dayelen

Balikukalan togoladon netajew hukumu kono Bila mara la, a kominiw mériw n'a dugutigiw n'a balikukalankaramogow y'u fela jira an na kumajogonya nafama kono. U y'u hakilinataw da an tulo kan balikukalanko la u ka kominiw kono. O balikukalan togoladon netajew labenna "World Vision" ni Arajo Bendugu fe Bila dugu kono. An ka maa ninnu kelen kelen fela mafile.

Karamogo Filipu Danbele ka kɔrfɔ bannen kɔ, kuma dira Amadu Tangara ma, walasa a bɛ se ka dɔ f'an ye balikukalan joyɔrɔ kan Mali kono, kerenkerenneya la Bila komini kono. Amadu Tangara ka kɔrfɔkan file :

Balikukalan joyɔrɔ ka bon yiriwali la kosebe ka d'a kan, maa n'i bɛ baara o baara la, f'a k'a sɔrɔ a dɔnniya dɔoni b'i la. Balikukalan kera sababu ye k'an ka mara kɔnɔmogow hakili dayelen, k'u ka donta caya, ka sɔrɔw yiriwa. O hukumu kono, a nafa tɔ fo ka ban. Anw minnu ye méri mogow ye, an hakili b'u la fana. O temennen kɔ, Amadu Tangara ka fo la, balikukalan sankɔrɔtalen bɛ cogo min Eila mara la, Ala ni "World Vision" sababu don. k'a d'a kan, ale y'a cesiri cogoya bɛe lajelen na. Nka a mana dan yɔrɔ o yɔrɔ, o ye kalandenw yere nɔ ye. Sabu fen o fen n'i b'a ke, f'o k'a sɔrɔ a ka di i yere ni ye. N'o kera, i b'i cesiri a fe, a bɛ to i kono, w'a b'i nafa. Nonté, "World Vision" y'a joyɔrɔ fa.

Amadu Tangara y'a ka kɔrɔ kuncé ni welekan bilali ye Bila komini dugu mogow ma, u k'u cesiri kalanko fe. Kerenkennenya la; balikukalan. Ka d'a kan yiriwali te sabati abada n'i ma kalan. O temennen kɔ, kuma dira Kolandugukanw ka méri ma n'o

ye Nuhun ye. Ale y'a ka nisɔndiya jira kosebe ni foli dili ye "World Vision" ma ka d'a ka cesiri kan Bila mara la. O temennen kɔ, a y'a da don balikukalan naifaw la. O hukumu kono, a ye misali dɔw ta a yere ka koimini kan.. Ale ka méri baarakelaw bɛe lajelen bɛ baara ke bamanankan na, ka d'a kan u si ma lakɔlikalan ke. O hukumu kono, ale bɛ se k'a fo ko tubabukanlankela fan si tɛ baara la ale ka komini méri la. O kosɔn, a y'a jira k'a tɛ se ka balikukalan nafa fo k'a ban pewu.

O temennen kɔ, Dakumana dugutigi ka ciden Mamaru Male y'a ka nisɔndiya jira ni welenumandɔnfoli keli ye ka nesin "World Vision" ma a ka cesiri la balikukalanko siratige la. A ko : olu ka dugu la n'o ye Dakumana ye, balikukalanden jolen maa 29 bɛ yen, minnu si b'a ta san 9 fo ka taa se san 15 ma. O siratige la, ale tɛ se ka balikukalan nafa fo k'a ban.

Min ye Bila komini méri ka dangan 3nan Adama Male ye, ale y'a ka kuma damine ni nisɔndiyafoli ye ka nesin Bila mara komini dugu bɛe lajelen ma. A ye foli ke fana ka nesin "World Vision" ma a ka cesiri la.

O temennen kɔ, kuma dira dugunaani balikukalan karamogo musomanw ma, n'olu ye : Kariya



Eli Keyita World Vision
nemaaba

Konate, Nana ; Kajatu Jire, Duguwo ; Fatumata Kulubali, Tuna ; Mamu Danbele, Dogola Bamaanan. Ninnu bɛe lajelen y'u ka nisɔndiya jira "World Vision" na ka nesin a ka kewalew ma yiriwali siraw kan. O temennen kɔ, nininkaliw nesinna karamogo cemanw fana ma minnu ye : Daramani Kulubali, Somasani ,

Mamutu Togola, Kunmini Tuna mara la, Daramani Konate ka bɔ Kɔla, Alimami Sogoba ka bɔ Kacɛnso Jaramana. Nin karamɔgɔ duuru ninnu bɛe lajelen y'u da se balikukalan nafaw n'a geleyaw ma k'olu nɛfɔ jama ye. U da sera "World Vision" joyɔrɔ ma kalanko la Bila mara bɛe lajelen kɔnɔ. Min ye Bikaw ka balikuka-lankaramɔgɔ Adama Kulubali ka kuma ye, ale y'an sɔn hakili la ka nɛsin kalanko geleya dɔw keleli feerew ma. Ka masɔrɔ a ko olu fɛ Bi dugu kɔnɔ, mɔgɔ o mɔgɔ n'e den tɔgɔ sɛbenna balikukalanso la ka bañ, n'i y'a bɔtɔ ye, o b'a smɔ a banalen walima dugutaga kerenkerennen. N'olu bɔra la, n'a bɔra a yerema ten kun t'a la, o tigi fa bɛ sefawari dɔrɔmɛ bà kelen (dɔrɔmɛ 1 000) sara dugu ye. Kabin'o sariya in sigira anw ka dugu kɔnɔ, o kera sababu ye ka belebele bɔ anw ka kalanko geleyaw la. O temennen kɔ, kuma dira Bila CMDT cikɛkafo nɛmaa ma, n'o ye Fatɔgɔma Tarawale ye. Ale y'a ka nisɔndiya jira koseb bawo "World Vision" mɔgɔ wulila ka t'a nininka a ka a hakilina fɔ balikukalan joyɔrɔ kan a ka cikeduguw la ni CMDT yere ka baara sankɔrɔtali. O hukumu kɔnɔ, Fatɔgɔma Tarawale y'a jira a ka kuma kɔnɔ, k'a bɛ san 20 bɔ bi, an ka sɔrɔw yiriwara. O yiriwali nasira la, balikukalan joyɔrɔba bɛ a la. Waati dɔw temenna, sɛnɛkelakɔlidénw de tun bɛ kɔri sannifeerew kɛ. Nka kɔri sɔrɔ bonyalen, a kɔlosira ko sɛnɛkelakɔlidénw fanga tɛna se ka yɔrɔ bɛe lasɔrɔ a tuma na. O hukumu kɔnɔ, jateminɛ kɛr'a kan, ka sɛnɛkelaw yere kalan walasa u yerew sen bɛ se ka don u ka yiriwalibaaraw la. O kosɔn, kalanje

ni jate kalan keli daminɛna u kun. Ni minnu kera kalanden jolenw ye, baarakalan bɛ sɔrɔ ka k'olu kun walasa u na se k'u ka sɛnɛfɛnw sannifeere kow bɛ lajelen nɛnabo u yere ye kasɔrɔ u m'u kunkolo siŋe mɔgɔ wɛre kɔrɔ. O siratige la, an bɛ don min na i n'a fɔ bi, duguyiriwatɔn w cayara, dɔ farala CMDT ka sɔrɔ kan. Sɛnɛkelaw fana ye faamuya camana sɔrɔ balikukalan sababu la. A ye ko caman nɔgɔya u ni CMDT ce i n'a fɔ kunnafonikow n'u nɔgɔnnaw.

Fatɔgɔma da sera musow ka balikukalando fana ma, min bɛ se ka kɛ sababu ye ka nafa caman las'u ma u ka dijɛsosigi baara caman na i n'a fɔ : safunɛdilan, galadon, denmisɛnw ladamuogo ani kɛnɛya matarafali. Bila CMDT cikɛkafo nɛmaa y'a ka kuma kuncɛ ni weelekan bilali ye ka taa jamanadenw bɛe lajelen ma sango an balima sɛnɛkelaw. Bɛe k'i jija kalan na sabu, "mɔgɔ te kɔrɔ kalan ma, mɔgɔ te kodɔn kalan ma, don o don, tulo bɛ taa kalan so".

O temennen kɔ, kuma dira Jaramana mara nɛmaa ma. Ale ye hakilina caman fɔ balikukalan nafa kan an ka jamana kɔnɔ. O temennen kɔ, a y'a hakilina dɔw di an ka kanw joyɔrɔ kan nɛtaa siratige la. O hukumu kɔnɔ, a ko dugu foyi te ale ka mara kɔnɔ ni "World Vision" ma balikukalanso jo min kɔnɔ.

An ye nin kunnafoniw latɔmɔ kurufe la min labɛnna "World Vision" ni Arajo

**Bendugu fe
Bila dugu kɔnɔ k'a nɛsin
san 2000nan setanburukalo
tile 8 nɛnajɛw ma.**

Latɔmɔbaga : Yusufu Fane

KENÉYA NASIRA

Jamana kunnasigiw ye jama ka kɛnɛyako dakun ta n'u bolo fila ye.

A fɔlo, nafolo kasabi min bɛna don a dafɛ, dɔ farala o hake kan. A bɔra sefawari miliyari 9 na (san 1994 jatew) ka na se sefawari miliyari 19 ma (o ye san 2000 jatew ye). O yeləmabolo kɔnɔ, kɛnɛya feeretigi maa 400 bɛna bolodon baara la san o san.

A filanan, Mali ni Cuba jamana y'u cesirataama lakuraya. O kɔnɔna na, kɛnɛya dɔnkotigiba maa 107 bɛna bɔ Cuba jamana kan ka na sigi Mali la. Bana sugu bɛe Furakela bɛ ninnu na. Kɛnɛyako dɔnkotigji ninnu tilacogo file Mali jamana kɔnɔ :

- Furakela maa 16 bɛ taa Kaye,
 - Furakela maa 12 bɛ taa Kulukɔrɔ,
 - Furakela maa 12 bɛ taa Sikaso,
 - Furakela maa 14 bɛ taa Segu,
 - Furakela maa 19 bɛ taa Mooti,
 - Furakela maa 7 bɛ taa Gawo,
 - Furakela maa 9 bɛ taa Tumutu,
 - Furakela maa 8 bɛ taa Kidali.
- Fen min ye Bamako faaba ye, furakela maa 9 bɛ na yen.

Nin feere bɛe tigekun ye kɛnɛya sabatili ye Mali jaman kɔnɔ. Nin si te sirasɔrɔ fo ni jama yere ye kɛnɛyako kɛ a ka kunko bɛrebere ye. Bamananw ko "kɛnɛya ka kɔrɔ fen bɛe ye".

Yusuf Jalo

Sodennin te songo soro a wolojoro la

Mali ye dənko ni seko jamana ye wa fōisen caman bē soro a dugukolo kan. A dōw ye ninnu ye: jitafoli, kamalengoni, barifoli, janjigifoli, jenbefoli, furafoli, komofoli, nalomafoli, takanba, cebilencefoli, ngusunfoli, kotebafoli n'u nəgɔnnaw. Ninfolikela denmisénw n'a dənkilidala tɔgɔnininaw bē soro Bamako. A folikela kelen kelen bē b'a sifile laadalafoliménw na. U b'u sifile fana nanzara fōisen dōw la i n'a fo "blues", "reggae" ani kɔsan in na "RAP". Folikela ni dənkilidala ni dənkela ninnu mana se Bamako, u bē fen bē ye u na fo hērē k'a sababu ke ka baara keta dakun

CMDT mogo minnu ye səbenni ke boko in kono :

Dawuda Mace Dawo -
Bamako
Usumani Tarawele -
Bamako
Mamadu Lariya Sise -
Bamako
Salifu Sisoko-Bamako
Modibo Samakun -Kita
Daniyeli Kulubali - Buguni
Abudulayi Jara - Sikasso
Musa Zanɔn Tarawele -
Kucala
Abudulayi Kara - San
Yusufu Jimé Sidibe - Fana

labənbaliya ye sariya sira fe. A gelyea jujɔn min bē soro u fe, o ye lawale dabali tigelenw ye ka nesin fōliko ni dənkilidako ma Mali kono. Laada ye namakalaw dōron de yamaruya o baaraw la. O bē n'a ta, folikela ni dənkilidala kelen kelen minnu bē nesoro u ka baara la Mali kono, olu caman senkɔrɔdonbaga bē bē jamana wəre de kan. Bamananw ko "**sodennin te songo soro a wolojoro la**". O b'a jira k'a fo ko folikelaw ni dənkilidalaw te dala u ka jamana kan. O bē gelyaba don u ka baaarakeménko n'u ka sɔrɔko la. Sariyantanya min bē nin dakun in na, o bəna ni gelyaw ni degunw ye. O bē ke sababu ye ka folikelaw n'u dəməbagaw salaya, k'u fari-faa u ka baara la. Bē b'a fe ka baara in ke donnatəmə baara ye walasa k'i kunfanafolo la teliya la. Sinijesigiko ni waatijanko kuma te a la. O cogo la, dabaliw bē tige maa nəniyajugutigi dōw fe ka dənkilidalaw ni folikelaw bisi k'u n'u ka baara kelenw ke lemuruba ye k'a bən u kelen da ma. Dənkilidalaw ka kuru-fe (kaseti) kura bɔtaw nanbarali walew y'a misali dō ye. Mali fōliko b'a sendane fōla a izinilabənni sira kan.

Maganw ni nəniya numanw bē ka ta k'a nesin a ma. O bē n'a ta, dabali fosi ma tige walasa k'o feere sennabo konuman. O de kama, fən min ye waati ni waati nənajew ye, kənkənmani w ni kɔkɔrɔdonni musakakow, kalanso kərenkerənnən w ni folikelaw tɔgɔlasokow ye, nini si waleyasiraw ma ta Mali seko ni dənko dakun na. Dabali jumənw de bē se ka tige bi, yaasa Mali seko ni dənko bē don dala, k'a sankɔrɔta ?

Yusuf Jalo

Jekabaara

Labolikuntigi
Yusufu Jalo
Səbenjekulu Kuntigi
Yusufu Jalo
Səbenjekulu
Bakari Sangare
Yuşufu Fane
Jekabaara ni ONG cəsira
taamabaga
Fanta Kulubali
Nəgenw kəbaga
Nuhun Madani Tarawele
ko Banun
Baarakeñogonw
Makoci, SNV, OCED
Hakebəta
11000
Batakisira : 2043
Nəgejurusira : 29 62 89